

襄陽縣志

原表 400

73797

10260.4

38

21-1-8

本

同治甲戌秋襄陽縣志告成余讀而欣然曰  
盛哉此舉志以邑重而邑實重有賴於志  
則創脩者之功大也考周官小史掌邦國之  
志為後世者志郡志縣志所由昭縣統於郡  
郡統於省合而志之欲其簡而賅也省析以  
郡郡析以縣分而志之欲其詳而備也襄  
陽縣始置於漢為古名勝地顧自

國朝以來未有專志一切疆域形勝政治風俗  
附載郡志中者每略而不詳缺而不備而郡  
志又歷久失脩百餘年事蹟無所紀載將  
至散失而無可徵補其缺略輯其散失以信  
今而傳浚縣志之創脩宜急矣幸逢同治

御極之初大難削平民物康阜

大府宏宣

德化善俗宜風爰於輜軒所及檄各縣纂修志書  
備合修者志郡志之用楊春生明府適承其  
乏率邑人士採訪彙考蒼萃成編吳朗心  
明府繼之延李百之以部協同修輯徵文攷  
猷經舉目張又得歐陽崇必觀察恩星五太  
守加之鑒定勒為成書向之缺略者燦然俱  
臻詳備山川人物大發光華以是登諸郡志者

二

志將兩習彥威襄陽記者舊傳並傳信哉志  
以邑重也而邑之重有賴於志者則更有進自  
來治邑之道不外興利防患興利者能興未  
興之利而利益溥周芸皋觀察種桑說宗子  
城明府種茶說可考也防患者豫防難防之  
患而患永弭方菊人觀察團練規條可考也  
其他美意良法因地制宜者酌古準今而行

熙朝道一風同之盛皆崇以觀察星五太守春生  
之用以保惠教誨進一邑於康樂和親安平而是  
邦士庶益相勉於物愛心減摩義漸仁尉為  
朗心明府創修邑志之盛舉有以成之也其  
功豈不大哉余引退甫還愧未及襄校訂竊  
幸躬逢盛會而樂觀其成也於是乎書

同治十三年歲在甲戌孟冬月

三

賜進士出身

誥授光祿大夫前任文淵閣大學士翰林院掌院

學士單懋謙識

序

蓋聞志之大原出於爾雅詳浮言略事實未足盡爾雅之義也後修志乘皆隱師其意要非以實心行實政者莫克詳求得實釐然而即訂為書考之襄邑天下腹地為宇內最勝之區漢魏兩晉而後冠蓋鼎盛甲於他邦暨自今山河如舊賢哲代生據實而志於書必有與史冊爭光後先相輝映者迺余兩膺



天子命蒞守茲土知祇有郡志無縣志郡志為陳白崖太守所修顧百餘年矣後之事實缺焉罔稽于心怏怏賴有前署令春生楊君創修專志徵之崔春瀑拔萃搜及邑中劉賈兩君家乘存什一於千百參以省志

道志郡志著為編草創成而春生瓜代未  
竟其事繼之者有吳君朗心除授斯邑披  
閱志藁惜未成書出示於余余手緝數過  
始歎創之難而成者亦匪易遂屬朗心實  
力任修請書院主講李百之比部悉心排  
纂邑中諸士大夫共襄厥事不數月而志  
成其綱七其目三十有二其文約數萬言

其法原於范成大吳郡志非馬端臨文獻  
通考康對山武功志所私創也體崇矜慎  
詞屏支離列若日星瞭如指掌俾閱之者  
恍披史牒考實錄毫髮無遺匪特此也其  
有關政治風化者不厭覈實求詳隱然寓  
春秋褒貶微意一志也天時地利在焉文  
物聲名在焉正人心端風俗在焉何朗心

之長於政事而復善於史筆也於以知實  
心行實政之能任實事而於斯志略見一  
斑云

同治甲戌菊月鹽運使銜知襄陽府事吉  
林恩聯星五氏撰并書



序

迨耳親風者有輜軒之采數典者  
賴文獻猶存况地號要衝人多考  
舊尤為考鏡曰夫者所宜先乎襄陽  
為閩郡諸邑冠屏蔽鄂渚上游自漢  
晉以來代稱重鎮

國初授儒童字駐兵使於莽馬余於  
同治壬戌己巳兩膺

簡命重莅於土每思山川之勝人物之盛自  
古迄今推襄州為最而考其家蹟獨  
詳郡志外此別尊丁戊書竊思亦

國家累洽重熙百廢具舉自史館一統

志直省通志外下逮各郡邑多自有  
志雖年湮代遠而才策之稽量不瞭  
如指掌也矧襄陽以雄封居腹地素  
稱冠蓋名區何獨量專志可考歟  
年可幸承

朝廷明詔大府徵求而可畧令楊君喜生

二

始倡議創修後歷任諸君子量不樂  
勦厥戾皆因為時甚暫有志未逮今幸  
吳君初心除授此邦緬流風窮義政公  
修之暇與邑中諸名宿網羅散失於郡  
志外別集一編以付剞劂余喜是書  
之成不特考人士文通至遠駁之乎炳

靈於江漢即歷官其地者孰以孰失皆足  
為方今借鑑之資于仰天時人事之不齊  
物彙土宜之漸異是亦後之從政者所宜  
究心也且于體法守事之實于旁搜遠紹  
以供學人之泛覽者倘舉焉而靡有所  
遺裒茲成編迴殊裨乘蓋幾有左史

倚相之凡焉而襄之焜耀於寰區者不  
將因是而益顯乎若友手是編而抗懷  
千載以上則誅葛隆中之對羊公峴首  
之碑移固于賈乎莫尚若心嚮往之抑  
近而求之於時賢如捍水弭災鄭公堤  
在植菜具利周氏說存又為陳研德之

漢古於鏡湖楊岐堂之景賢於聞喜  
六皆彬之風雅大遠乎俗吏所為苟事  
楷模吾儕趨步竊願與初心及同志  
諸君子交相砥礪以冀負創為形志  
者徵文考獻之雅意也夫

同治甲戌年季夏月安襄鄭荆兵

四

仿道法什尚阿巴圖魯湖南湘鄉縣  
歐陽正墉崇為氏譔并書



襄陽縣志序

襄邑故無志同治丙寅前任楊君春生  
與邑中崔春瀑拔萃創修志稿並借鑒  
於金殿珊給諫未及歲事而給諫暨崔君相  
繼卽世稿歲署中逡巡未竟其緒數年歲  
壬申耀斗承乏茲土公餘再三披閱乃知創  
修茲稿如披荆棘翦草萊於荒榛亂箐  
古無人跡之區開闢混茫亦大費化者苦

襄陽縣志

心矣惜鉛槧未畢尚非成書故其體例綱目  
事實攷證以及篇章字句聚訟紛紜迄無  
定議蓋始事之難也屢思手為編次願未  
暇及同年友李百之比部以蘄黃名宿主講  
鹿門乃筮日設館請為排纂並引邑中紳  
耆共襄厥事閱數月成帙釐為七卷竊惟  
志典史通自有唐元和以後地志始盛宋人  
地志如宋敏求之長安東京二志程大昌之

雍錄范成大之吳郡志陸務觀之會稽志實  
為志家準繩明代盛稱康對山之武功王敬  
夫之鄆縣都元敬之練川說者猶謂其近古  
而太略地志之作夫豈易易襄邑夙號名區  
文物衣冠炳麟史冊而方隅紀載獨缺如焉前  
光莫彰後起胡振耀斗不敏典比部致獻徵  
文拾遺補闕凡關係政治風化及堪資校覈  
之條不厭求詳其承襲謬誤重複繁瑣處

悉為芟訂以期無負

上台徵求之至意典創修茲稿之苦心斯已  
耳蘇子云物莫不始於粗而終於精是編雖  
因而實創也始事也救其失而匡其不逮還  
以俟後之君子

同治十二年歲在癸酉孟冬月

賜進

士出身同知銜知襄陽縣事灤溪吳耀斗

謹識並書

志稿原序

襄邑古名勝之區形勢雄偉嘗升高眺望  
見夫羣峰聳峙眾水滌洄城郭金湯民  
物繁阜舳舻之上下車騎之往來為水陸  
不會第一要衝所謂山南鎖鑰楚北屏藩  
信不誣也余於甲子秋奉檄權篆於茲兢  
兢自矢時以隕越為懼計惟守吾獨分毋負  
初心以求苟修於清夜云爾顧自履任以來

襄陽縣志

三

案牘稠疊美事絡繹日昃不遑又震以其  
鄰豫檢時來疢何歲二三至以芟夷我農  
功或踞擾菽月以震劉我邊陲多壘在郊  
軍書旁午每欲詳攷志奈以淺陋津阨塞  
之要古今因革之宜土地人民物產滋息之  
不齊斟酌損益施於有政且歷朝者舊人  
文及忠臣孝子貞婦烈女之事蹟又為宰是  
邑者所當周知而表彰於世也乃索之書吏詢

之士大夫僉云邑固多志惟乾隆二十四年陳白崖太守所修府志可稽碩百餘年來缺略者亦已多矣竊歎以斯名邦而獨闕於記事之書深思力任其事纂輯一編以補前人之缺而簿書鞅掌徒自悒悒而已乙丑仲夏奉上台通飭各邑纂修志書以備合修郡志省志之用余捧檄欣然第念斯邑連年被兵瘡痍未復議將此項經費取法殷室僅足蕘

事而止於是博訪周諮遴選品學兼優之士得之邑紳崔春瀑拔萃與多明經孝廉分任其事設立公所分札授簡通示應舉各條而加以採訪明確余復不時赴局與之酌訂凡市一歲而成書而余亦瓜代及期矣披而繹之竊見疆域埽池山川古蹟尚不踳襲前人失誤惟地廣事繁難免遺漏尤望後之君子隨時補入是則余所心禱而切冀者也蓋他邑

之書出於續而襄邑之書出於創之與續  
其難易固不可同年而語也今幸告竣  
有刊刻事宜已誌後任王君代為玉成爰  
書其始末并之簡端云

同治五年歲在丙寅季秋月權知襄陽縣  
事毘陵楊宗時春生甫撰

志稿弁言

修志莫難於創詳則冗簡則略據府志攷之則乾隆庚辰尙有  
萬厯順治康熙三志今皆無存其獨存者惟陳白崖太尊一書  
而已然其所載山川古蹟多出臆度不足憑信同時有賈澤遠  
潤劉碩田滋生兩先生者心知其誤而無可如何故劉雖借名  
採訪而自作後者舊傳賈別作襄陽縣志留爲家乘以俟後之  
修志者攷焉賈云太尊年高而目眊蓋主筆者之誤也今劉之  
書僅一卷賈書殘缺已多惟沿革城池山川坊表及所作峴山  
志實攷多可採取他如湖北通志下荆南道志及陳愚谷先生  
所修襄陽府志殘藁諸書則與同事諸君子參互攷訂掇其精  
當者著於編蓋其所據者如此繕寫既成先後呈送  
楊春生王子泉兩邑侯郢政並俟質之山長金殿珮先生鑒定  
付梓若夫載籍之所弗備耳目之所未周則陸士衡聞而撫掌  
張平子見而陋之固有在所難免者矣春瀑崔淦識

襄陽縣志

卷首

弁言

六